

## АФСУН-ДУОЛАРДА ЛЕКСИК БИРЛИКЛAR ҚAMРОВИ ВА УНДА ХАЛҚ ЖОНЛИ TIЛИНИНГ МАВҚЕИ

Наврузова Муяссар Гайбуллаевна

Бухоро давлат университети Педагогик таълим факультети  
Бошлиғич таълим методикаси кафедраси ўқитувчиси

**Аннотация:** Қадимий тасаввурлар асосида юзага келган, сўзниг сеҳр-жодуду кучига эгалиги билан боғлиқ бўлган афсун-дуолар мазмунан теранлиги, тарихий асослари жуда олис замонларга бориб тақалиши, ўзига хос ҳаётий-майиши вазифалари ва халқ табобатида ижро ўрнига эгалиги билан алоҳида аҳамият касб этади. Мақолада ўзбек халқ табобатида кўз оғриги, тиши оғриги, қорин оғриги, бош оғриги каби хасталикларга қарши йўналтирилган афсун-дуоларда дуохон ва хасталикни келтириб чиқарган зиён етказувчи образлар ҳақида айтимлар мисол сифатида изоҳланилади. Ундаги тиббиётга оид бирликлар, ранг билан боғлиқ касалликлар, уларга айтиладиган қўшиқлар даво воситаси саналаши изоҳланилади.

Калит сўзлар: афсун, диний-афсулар, заҳар таъсир кучи, сўз сеҳри, «чаён» дейиш ўрнига «сариқ эшак», «илон» дейиш ўрнига «хунук нарса» даво билан боғлиқ айтимлар, гулафшон, ранглар билан боғлиқ терминлар

## ПОКРЫТИЕ ЛЕКСИЧЕСКИХ ЕДИНИЦ ЗАПИСАНИЯМИ И ПОЛОЖЕНИЕ В НЁМ ЖИВОГО ЯЗЫКА НАРОДА

Наврузова Муяссар Гайбуллаевна

Бухарский государственный университет, Факультет педагогического образования Методика начального образования преподаватель кафедры

**Аннотация:** Заклинания, связанные с магической силой слова, созданные на основе древних представлений, имеют особое значение благодаря своей глубине содержания, своим историческим основаниям, уходящим в очень далекие времена, своим уникальным жизненно-бытовым задачам и своей роли в Народная медицина. В статье в узбекской народной медицине на примере молитв и высказываний о вредных образах, вызывающих болезни, объясняются заговоры, направленные против таких болезней, как боль в глазах, зубная боль, боль в желудке, головная боль. Он объясняет единицы, связанные с медициной, болезни, связанные с цветом, а песни, которые им поются, считаются лекарством.

**Ключевые слова:** заклинание, религиозные заклинания, действие яда, словесная магия, «желтый осел» вместо «скorpion», «уродство» вместо «змея», поговорки, связанные с лечением, гулафшон, термины, связанные с цветами.

## COVERAGE OF LEXICAL UNITS IN SPELLS AND THE POSITION OF LIVING LANGUAGE OF THE PEOPLE IN IT

Navruzova Muyassar Gaynullaevna

Bukhara State University Faculty of Pedagogical Education  
Methodology of primary education teacher of the department

**Annotation:** Spells related to the magical power of words, created on the basis of ancient ideas, are of special importance due to their depth of content, their historical



*foundations going back to very distant times, their unique life-household tasks and their role in folk medicine. In the article, in Uzbek folk medicine, incantations directed against diseases such as eye pain, toothache, stomach ache, and headache are explained as an example of prayers and statements about harmful images that cause illness. It explains the units related to medicine, the diseases related to color, and the songs that are sung to them are considered as a remedy.*

*Key words: spell, religious spells, poison effect, word magic, «yellow donkey» instead of «scorpion», «ugly thing» instead of «snake» sayings related to treatment, gulafshan, terms related to colors.*

Ўзбек фольклорининг лексик таркиби унинг жанрлари орқали ифодаланади. Аждодларимизнинг умидбахш орзуларини ўзида мужассам этган фольклор жанрларидан бири афсун-дуолар ҳисобланади. Қадимий тасаввурлар асосида юзага келган, сўзниг сехр-жоду кучига эгалиги билан боғлиқ бўлган афсун-дуолар мазмунан теранлиги, тарихий асослари жуда олис замонларга бориб тақалиши, ўзига хос ҳаётий-маиший вазифалари ва ҳалқ табобатида ижро ўрнига эгалиги билан алоҳида аҳамият касб этади. Ўзбек фольклоршунослигининг филологик йуналишдаги фан сифатида шаклланиши X.Зарифов илмий фаолияти билан бевосита боғлиқдир. У фольклоршунослик амалиётида биринчи бўлиб қоқимчи, азайимхон ва баҳшиларнинг даволаш амалларига доир этнофольклористик материалларни қайтарма, бадик намуналарини ёзив олган. Қадимдан соғ илмий медицина вужудга келмаган даврларда кишилар турли хилдаги касалликлардан, тасодифий фалокатлар (илон, қорақурт, чаён чақиши) кабилардан табобатдаги афсун-дуолар орқали қутулғанлар. Фольклоршунос олима С.Мирзаеванинг «Ўзбек ҳалқ афсун-дуоларининг жанр хусусиятлари ва бадиияти» номли монографиясида ҳалқ афсун-дуолари қўйидагича таснифланади. А) диний афсун-дуолар. Бу турдаги афсун-дуолар кишилар орасида кенг тарқалган бўлса ҳам, бироқ улар тарихан ҳалқ афсун-дуоларидан фарқланиб турадилар. Диний афсун-дуолар «Қуръон» ва бошқа муқаддас китоблардан олинган бўлиб, асосан ўқимишли кишилар-муллалар, дин уламолари, эшон ва отинби билар томонидан ўқилган.

Б) соғ ҳалқона афсун-дуолар. Булар ўз илдизлари жиҳатидан ҳалқнинг руҳлар, дастлабки аждодлар ҳақидағи эътиқодий қараашлари билан алоқадорликда вужудга келганлар. Аммо кейинчалик, бир томондан, узоқ даврлар мобайнида турли диний тасаввурлар тазиيқи остида, иккинчи томондан, етмиш йилдан ортиқроқ давом этган худосизлик foяси таъсирида ҳалқ афсун-дуоларининг каттагина қисми истифода этилмай аста-секин унутила бошланди. Бу хилдаги афсун-дуолар илмий адабиётларда «шомон фольклори», «шомон айтимлари» ҳам деб юритилади.

Ҳалқ афсун-дуоларига хос жанр аломатларидан яна бири уларнинг ҳамма вақт буйруқ, (императив) оҳангидиа ижро этилиши саналади. Дарҳақиқат, ўзбек ҳалқи ўртасида кенг истифода этиладиган исталган афсун-дуони олманг, унда ҳамма вақт кескин буйруқ оҳангидиа мавжудлигини кўрамиз. Масалан, қорақурт чакқанда ўқиладиган афсун-дуодан келтирилган қўйидаги парчада ҳам асар матни кескин буйруқ оҳангидиа билан якунланади:

Ола фундол, бало фундол, Кал келди, кади келди.

Пайғамбарнинг сўзи билан Худойимнинг амри билан.

Арбайтиган олим ўзим, Қўймайтиган золим ўзим.

Куф-суф, чик, куф-суф, чик!

Келтирилган парчадан кўриниб турибдики, қушноч (даволовчи) бемор баданига жойлашиб олган зиён-захмат билан курашга киришар экан, энг аввало яратувчи тангрига, кейин анбиё ва авлиёларга, турли касб-хунарларнинг пирларига мурожаат қилиб, улардан мадад тилайди.

Алас-алас, пок қилғин, Алас-алас, пок қилғин.

Зиёнлардан холос эт, Заҳматлардан холос эт.

Алас-алас, алас-алас, Қон тиласанг қон берайин,

Жон тиласанг жон берайин, Бу бечорани қўй тегма.

Бу бечорадан кет, тегма! Алас-алас, алас-алас.

Алас-алас қилиш пайтида айтилган асосий матн юқоридагидек бўлиб, у қушноч ўйинларининг мазмунини ойдинлаштиради. Бу мазмун эса бемор танасидан ёмон руҳларни қувиш ва уни соғайтиришга даъват этишдан иборат. Албатта, ўтмишда алас-алас маросими пайтида ижро этилган айтимлар ранг-баранг бўлган бўлиши лозим. Аммо бизга қадар улар тўла ва ўз шукуҳида етиб келмаган

Маълумки, ибтидоий кишилар қорақурт, чаён, илон ёки бошқа ҳашорат, маҳлуқлар чақиши оқибатида киши танасига киритилган заҳарни касаллик сифатида тасаввур қилганлар. Бу касаллик эса маълум бир сехрли нафасга эга бўлган кишилар амрига бўйсунади деб қаралган. Мана шунинг учун ҳам авровчилар ўз афсунлари ижросида ўзи ёки бошқа авлиё, пирлар мададига бўйсуниб зиён-захматни, касалликни киши танасини тарк этиш гадаъватэтадилар. Аслида эса бемор танасига киритилган заҳар таъсир кучининг сустлашиши ёки унинг бутунлай танани тарк этиши авровчининг хатти-ҳаракати, сўз терапияси, руҳий ҳолати орқали зарар кўрган киши руҳиятига таъсир кўрсатиши, унинг организмида заҳарга қарши курашувчи ҳолатнинг пайдо бўлиши билан боғлиқ. Афсун-дуоларнинг фольклорнинг мустақил жанр сифатидаги ўзига хосликлари уларнинг образлари таркибида ҳам унга қарши айтиладиган айтимлардаги сўз сехрида ҳам кўзга ташланади. Бу образлар эса афсун-дуонинг кимга ёки нимага қарши йўналтирилганлигига қараб турлича кўринишга, сифатга эга бўлади .

Ўзбек ҳалқ табобатида кўз оғриғи, тиш оғриғи, қорин оғриғи, бош оғриғи каби хасталикларга қарши йўналтирилган афсун-дуоларда дуохон ва хасталикни келтириб чиқарган зиён етказувчи образлари ўртасидаги кураш ифодаланади.

Хуллас, афсун-дуонинг касаликка қарши йўналтирилганлиги ёхуд нима ёки кимни ёқлашга қаратилганлигига қараб уларда иштирок этувчи образлар таркиби, уларнинг функциялари ҳам ўзгариб борадики, бундай ҳолат ҳалқ табобатига хос бўлган хусусият саналади.

Авраш афсунларида муқаддас “Қуръон”дан олинган суралар билан бир қаторда қадимий мажусийликка алоқадор дуолар ҳам ўқилади. Улар бизнинг назаримизда, қадимги санскрит тилидан қолган бўлиб, тушунмай ижро этиш оқибатида жуда кўп сўзлар нотўғри шаклларга тушиб қолган. Шунинг учун уларнинг мазмунини шарҳлашнинг имкони йўқ.

Ари чаққанда ўқиладиган афсун-дуонинг бир намунаси фольклоршунос Б.Саримсоқов томонидан 1986 йилда Аҳмаджон Сойибназар ёзиб олинган бўлиб, бу афсун матни тожик тилидадир: «Зара ҳаста залил, ранг ҳасту хумор, миён басту ҳалал замбур, мо бадохан, ту бокунат магази, куф-суф, чиқ-чиқ». Матннинг ўзбекча таржимаси қўйидагича мазмунни англатади: “Сапсариқ рангинг бор, бу ранг кишининг кўнглини айнитади, бела бўғиқ сариқ ари, биз оғзимиз билан чақамиз, сен эса орқанг билан чақасан, куф-суф, чиқ-чиқ”.

Маълум бўладики, афсун ўзбек тилига таржима қилинса, оддий гаплар



йигиндисига айланиб қолади. Шунинг учун ҳам афсунларнинг хеч ким тушунмайдиган тилларда бўлиши уларнинг bemорга кўрсатадиган руҳий таъсир қудратини ортириди ва афсун-дуоларда сехрлилик, жоду қудрати сақланишига шоҳид бўламиш.

Афсун-дуоларнинг жуда ҳам қадимиyllигини тасдиқловчи манбалардан бири уларда лексик бирлик ва у ифодалаган нарса ўртасидаги боғланишнинг характери ҳисобланади. Шакл ва мазмун ўртасидаги боғлиқлик муносабати, бошқача айтганда, сўзда нарсани, нарсада эса сўзниг ўзини курган. Шунинг учун ҳам бирор нарсанинг номини айтишдан кўркиб, уни бошқача атамалар билан атаган. Чунончи нарсанинг номи унинг ўзини чақирган ва чақирилган нарса кишига зиён етказади, деб тасаввур қилинган. Халқ ўртасида «чаён» дейиш ўрнига «сариқ эшак», «илон» дейиш ўрнига «хунук нарса» дейиш каби таъқиқлар бевосита ана шундай қарашлар билан боғлиқдир. Халқ афсун-дуоларида бундай тадқиқ ва ўзгача номлашлар муайян даражада сақланиб колган.

Юқорида келтирилган мисолдаги биринчи гапда «ари» сўзи ўрнида «зард ҳости залил» деб унинг ранги ва заҳарли эканлигига ишора қилинган. Иккинчи гапда эса ари «замбур» деб айтилмоқда, аммо у ўзбеклар учун тушунарли бўлмаган тожик тилида ифодаланган, кейин унинг бели ингичкалигига ишора қилинган. Учинчи ва тўртинчи гапларда эса арига хос орқаси билан найза санчиш хусусияти ҳақида сўз юритилган. Демак, афсун-дуолардаги сўз ва у ифодалаган нарса билан узвий боғлиқлик тушунчаси ибтидоий кишилар тафаккури, онги ва дунёқараши билан боғлиқ ҳолда шаклланган.

Кизилча, сув чечак, бадик ва шунга ўхшаш тошмалар тошганда ўтказиладиган маросим ва бадик айтимлари, уларнинг “бадик”, “гулафшо”, “чечак”, “қизамиқ” каби атамалар билан юритилиши, айтимларнинг мазмуни ва бадий хусусиятлари ҳақида Б.Саримсоқов батафсил тўхталган.

Фрезернинг кўрсатишича, афсун-дуолар, алас айтимлари, тақлидий сеҳр ибтидоий кишилар тасаввурicha, кишиларни турли хасталиклардан халос этишда катта ёрдам беради. Масалан, қизарганда қизил, сариқ касалда сариқ нарсанинг, кўз оқарганда оқ нарсанинг хасталикни ўзига тортиб олиши фойда етказар эмиш .

Халқ табобатида ранглар билан боғлиқ бир қатор касаллик номлари мавжудки, улар ҳам ҳалқ томонидан касалликнинг рангига, холатига, юқумлилига қараб номланган. Бугунги кунда бу атамаларнинг айримлари тиббий терминлар кўринишида талқин қилинади. Масалан, сариқ (гепатит) касаллиги, сариқ тана касаллиги, пес ёки оқ (витилиго) касаллиги, оқ қон касаллиги, қизилча, гул (краснуха) касаллиги, қизамиқ (чечак) касаллиги, қизил ясси темиратки касаллиги, қорасон (гангрена) касаллиги, қорақурт касаллиги, кўййутал касаллиги бу атамаларни яна давом эттиришимиз мумкин. Бундай касалликларни даволашда билан боғлиқ маросимларда айтиладиган афсун-дуоларда рангларга эътибор кучлилигини қуидаги мисол воситасида ҳам тасдиқлаб ўтиш мумкин

Сафед бод, сиё бод,  
Сурх бод, буро бод.  
Кабӯт бод, зард бот,  
Сиё бод, буро бод.  
Аф чик, суф чик,  
Чик, чик, чик.

Ушбу шеърий шаклдаги гулафшон айтимларида сафед-оқ, сиё-қора, сурх-кизил, кабўт-кўй, зард-сариқ беш хил рангга мурожаат қилинган. Уларнинг ҳажми ҳар хилдир. Асосий мазмуни эса бемор баданидан касалликни қувиш, кўчиришга қаратилган. Шу сабабли унда «кўч» буйруқ феъли кўп бора тақрорланиб келади ва гулафшоннинг кўчиши учун аниқ манзиллар айтилади:

Гуялар билан силайман,  
Кўлингга бор,  
Чўлингга бор,  
Кўч, кўч, кўч.  
Қатор-қатор туяларга бор,  
Кўч, кўч, кўч.  
Етти хил томирингни кесаман,  
Кўч, кўч, кўч.  
(Пичоқ билан ҳавода кесиш ҳаракати қилинади).

Уч мартага қайтмасанг,  
Юзинг қаро, гулафшон.

Кўриняптики, гулафшонхонлик уч кун (уч марта) давом эттирилган. Гулафшонни даволашда етти номдаги жонзотнинг қони шифобахш саналган. Шунинг учун гулафшон айтимларининг охирида, одатда:

Етти хил жонзот айтаман:  
Тўнғиз, капитар, эчки, қўй,  
Сигир, мусича, маймун, – дейилади.

Шундай бўлса-да, гулафшонхонлар кўпинча беморларни даволашда қизил товуқнинг қонидан фойдаланишиади. Конга қон, жонга жон бериб, беморни “айирбошлиш”га уринишиади:

Қон бераман, жон бераман сенга,  
Кўч, кўч, кўч.  
Етмиш икки томирингни кесаман.

Гулафшон айтимларида кўпинча дўқ-пўписа, мурожаат, қарғиш оҳангиги етакчилик қиласди:

Юртингда тўй бўлибди,  
Кўзингга курт тушибди.  
Уйинг куйсин, гулафшон,  
Томиринг қурисин, гулафшон.

Гулафшонни халқ жонли мавжудот кўринишида тасаввур қилиши боис унга алоқадор матнларда жонлантириш асосий вазифани бажариб келади:

Она қизим, гулафшон,  
Момо қизим, гулафшон.  
Чўлларга кет, гулафшон.  
Яхши келиб, яхши кетгин, гулафшон.  
Томнинг тубига кет, гулафшон.  
Қўйнинг қулогига кет, гулафшон.  
Эчкининг шохига кет, гулафшон.  
Яхши келибсан, яхши кет, гулафшон.

Халқнинг мифологик тасаввур-тушунчасига кўра гулафшон чиқишига Қизил момо руҳни ранжитиш сабаб бўлиши айтилади. Қизил гул бу момо руҳнинг манзил-макони саналади. Шу тасаввур-тушунчалар гулафшон айтимларига ҳам сингдирилган:

Гулафшон гулда бўлар,



Лекин одамда бўлар.  
 Чўлларга бор, кўлларга бор,  
 Қорни катта бойларга бор.  
 Она қизим, гулафшон,  
 Биби қизим, гулафшон.

Гулафшон инсон баданига майда қизил тошмалар тошиши муносабати билан айтиладиган айтимлар бўлгани учун уларда, асосан, қизил сифатловчи аниқловчили бирималарни кўплаб учратиш мумкин. Жумладан:

Қизил отга миндирай,  
 Кўк далага шошдирай.

Бундан кўриниб турибдики, халқимиз сўздан қудратли калом дори, малҳам сифатида фойдаланган. Даво билан боғлиқ айтимлар, дуолар, касалликлар муолажаси учун бажариладиган маросим айтимлари шулар жумласидандир.

Қадимги ирим-сиirim ва инончларнинг халқ турмуш тарзида сақланиб колган «акса уриш» билан боғлиқ халқ қараашлари ва у билан боғлиқ айтим ҳамда аломатларни мисол сифатида келтириб ўтамиш.

Э.Тайлорнинг “Ибтидоий маданият” асарида ёзилишича, Африкадаги зулус қабиласида бирор киши акса урса “Менга “идхлози” (яни “аждодлар руҳи”)дан дуо-олқиши келди. Ота-боболаримнинг арвоҳлари менинг ҳузуримга келдилар, энди мен уларни алқаб, дуо ўқишим лозим. Чунки улар акса урдириш орқали мендан дуо талаб қилмоқдалар” деб, мол-ҳолига барака, болалари ва аёлига соғлик тилар экан. Уларнинг назарида хаста одамнинг акса уриши - унинг ҳомий руҳлар мададида касалликдан фориғ бўлаётганлигидан далолат беради.

Зулус коҳинлари эса одамни акса уришга мажбур қиладиган кучни “Итонго” дейдилар. Халқ қараашларига кўра, бирор одамнинг ичига Итонго кириб олса акса урдирап ва шу боис, акса урган киши дарҳол “Итонго!” деб унинг номини тилга олиши керак эмиш.

Гвинеяда эса қабила оқсоқоли аксирса, унинг қавмдошлари дарҳол чўкка тушган қуири ерни тавоф қилганлар ва кафтларини бир-бирига уриб чапак чалиб оқсоқолнинг соғ-саломат бўлишини тилашган.

Полинезияликлар орасида эса ёш гўдак аксирса “Соғ бўл!”- дейилади. Э.Тайлор “аксириш” билан боғлиқ бу каби ирим-сиirimлар жаҳоннинг кўпгина халқларида мавжудлигини қайд қилади ҳамда унинг тарихий асосларини эзгу ва ёвуз руҳлар тўғрисидаги мифологик тасавурларининг қолдик ҳолда етиб келган кўринишларидан бири, деб хисоблади.

Илмий асосларга кўра, Пенсиљвания университети олимлари одамнинг акса уриши масаласида алоҳида тадқиқот ташкил этишди. Тадқиқот ёрдамида одам учун акса уришнинг нима зарурати борлиги аниқланди. Маълум бўлишини, инсоннинг бурун ичкарисида шундай майда микроскоп ёрдамидагина кўрса бўладиган толалар мавжуд экан. Ҳудди ўшалар бизни акса уришга мажбур этади. Лекин бу жараён шунчаки содир бўлмайди. Агар одамнинг бурун ичкарисида шамоллаш аломатлари бўлса, акса уриш ёрдамида бурундаги барча тўқималар функцияси янгилаб олинади. Ундан шамоллаш аломати «Синусит» деб аталади. Бунга қадар тўқималар фаолияти сустлашиб ёки ёмонлашиб, одам учун хавфли холатларни келтириб чиқаришга мойил бўлиб қолади. Акса урганда ҳудди ўша хавф ортга чекинади. Бурундаги тўқималар фаолияти меъёрий холатига қайтади.

Чиндан ҳам “акса уриш” билан боғлиқ бу каби эътиқодлар ўзбек халқи орасида ҳам қадимдан сақланиб келганлиги боис, бирор киши аксирганда унинг ёнидагилар “Соғ булинг！”, “Саломат бўлинг！” дейдилар. Энг ишонарлиси

хозирда ҳам бетоб тузалишидан олдин аксирса, “энди соғаясан” дея унга далда берилади.

Бухоро вилоятининг Қоракўл туманидаги Тангачар қишлоғида эса ёш бола бехосдан акса урса “Пир бўлсин! Бува бўлсин!” - дейдилар. Бу билан бола соғсаломат униб-ўссин деган эзгу ният ифодаланади.

Дарҳақиқат аксириш билан боғлиқ бундай қарашлар ҳалқимиз томонидан хозиргача сақланиб қолган. Акса уриш натижасида организмдаги губорлар ташқарига чиқиб, биз енгил торта бошлаймиз. Бу эса ҳалқ табобатида ҳам илоҳий кучга эга эканлиги билан изоҳланади ва хозиргача давом этиб келмоқда.

Умуман олгандан ўзбек фольклор тилида турли жанрлар қамровида тиббий сема билан боғлиқ ҳалқ ижоди намуналари борлиги аниқланди. Турли ҳашоратлар, илон, қорақурт, чаён кабилар чаққанда ўқиладиган афсун-дуолар, қай даражада бўлмасин, хозирга қадар сақланиб қолган, уларни тўплаш, маълум тўпламлар ҳолида чоп этиш лингвофольклоршуносаримизнинг хозирги кундаги муҳим вазифаларидан бири хисобланади.

### АДАБИЁТЛАР РЎЙХАТИ

Саримсоқов Б. Сўзнинг магик қудратига асосланган маросим фольклори // Ўзбек фолклори очерқлари. З томлик. 1-том. – Т.: Фан, 1988. – Б.170-186.

Мирзаева С. «Ўзбек ҳалқ афсун-дуоларининг жанр ҳусусиятлари ва бадиияти» Монография. Тошкент. 2005. С. 67.

Турдимов Ш. Лирик қўшикларда рамз // Ўзбек тили ва адабиёти, 1982, №3. Б.16-19.

Тоғаева Д. Инс-жинслар ҳақидаги ўзбек оғзаки ҳикояларининг образлар системаси. – Ўзбек тили ва адабиёти. – Тошкент. – 2006. – №6. – Б.44-47.

Чайко Т. Н. Названия частей тела как источник метафоры в апеллятивной и ономастической лексике // Вопросы ономастики / № 8-9. – Свердловск, 1974. – С. 98-106.

Ўраева Д. Гулафшон айтимларининг айрим бадиий ҳусусиятлари. – Ўзбек тили ва адабиёти. – 2013. – 2-сон. – Б.42-45.

7. Гайбуллаевна Н.М.(2021). LINGUCULTUROLOGICAL PROPERTIES OF MEDICAL UNITS OF UZBEK LANGUAGE. Journal of Contemporary Issues in Business & Government, 27.

8. Гайбуллаевна Н.М. (2021). Fundamentals of medical termsformation in uzbek language. Middle European Scientific Bulletin, 12, 488-491.

9. Наврузова М.Г. (2021). Lexical-semantical features of some medical linguistic units. Scientific reports of Bukhara State University, 5(2), 135-142.

10. Гайбуллаевна, Н. М. Etymology of Uzbek Medical Terms. JournalNX, 7(06), 169-171.

11. Наврузова М.Г. (2021). ХАЛҚОНА ТИББИЙ БИРЛИКЛАРДА МАЊНО КУЧИШ УСУЛЛАРИ. Academic research in educational sciences, 2(CSPI conference 1), 1487-1491.